

欽定大清會典事例

欽定大清會典事例卷四百七十

禮部

喪禮

文宗顯皇帝大喪儀二

咸豐十一年九月初二日奏准恭上

尊諡

廟號應用玉

冊玉

寶香

冊香

寶絹

冊絹

寶及蓋箱袱架等項交與工部敬謹成造。

冊文

寶文祝文交與翰林院撰擬所有書寫刊刻填青各日

期由欽天監選擇俟香絹

冊

寶告成之日由部以恭上

尊謚典禮具奏○初五日

諭○十月初三日

皇考大行皇帝靈駕至京所有應赴簡溝恭迎之王公

以下一品大臣及鎮國將軍等均著在清河

廬殿恭迎。○十七日奏准九月二十九日

聖駕還宮。二十八日。二十九日。均係孟冬時饗

太廟遣官行禮齋戒三日期內所有承祭執事各官均

應素服冠緞纓謹擬除承祭執事各官毋庸跪

迎外其餘無執事之王公百官等均服縞素於

二十八日在南石槽地方恭迎二十九日在德

勝門外恭迎。○是日行二滿月禮用楮錠二萬

楮錢一萬連飯卓十一張羊五酒五瓶

法駕鹵簿全設齊集行禮儀與初滿月同

以後凡滿月禮

此均仿 ○ 十八日

諭著添派工部右侍郎宋晉恭理喪儀。○ 二十一日以梓宮奉移回京。前期行祇告禮儀與殷奠同。○ 二十二日行啟奠禮儀與祇告同。○ 二十三日。

梓宮奉移回京五鼓鑾儀衛設

法駕鹵簿工部陳大昇舉於

麗正門外執事官各供乃事王公大臣官員辨位

集俟恭理喪儀王大臣率官校入

几筵殿撤黃幔素帷屆時禮部堂官奏請

穆宗毅皇帝詣

梓宮前哭祭酒三爵每祭行一拜禮衆傳哭隨叩畢恭
理喪儀王大臣工部鑾儀衛率執事官進小舉
恭移

梓宮由中門出內外齊集者各於其次跪哭候過

穆宗毅皇帝由殿左門出詣大昇輦之左跪候登輦禮
部堂官祭酒三爵行三叩禮焚楮錢

穆宗毅皇帝興步行恭送

靈駕發

騎駕鹵簿前導恭理喪儀王大臣禮部工部內務
府鑾儀衛官屬夾道巡行豹尾班侍衛佩儀刀

弓矢侍衛扈從各官按品隨行校尉按班昇轎
及吏班

穆宗毅皇帝跪眾皆跪候行

穆宗毅皇帝由開道豫往宿次備用幔城祇候沿途包
衣官員揚撒楮錢凡過門橋派出之內大臣輪
班祭酒王公百官乘馬分班以從其漢官及年
老不能騎馬者每日早俟

梓宮過時即於

聖駕後隨行先往

蘆殿恭候

靈駕至宿次。

穆宗毅皇帝恭迎於幔城北門外跪哭。王公百官均隨跪哭。候過興。

梓宮奉安於

廬殿正中。鋪墊氈毯。前設供牀案几。設

騎駕鹵簿於門外。王公百官按品按翼序立。所司進果筵。

穆宗毅皇帝行脯奠禮。祭酒三爵。三拜。衆隨哭。叩興。

穆宗毅皇帝退居倚廬。衆皆退。翼日昧爽。

穆宗毅皇帝詣

蘆殿朝奠。舉哀祭酒。焚楮錢。衆隨舉哀行禮。均如脯奠

儀。

穆宗毅皇帝於朝奠後即起蹕還

宮。恭理喪儀。王大臣率昇校進。

靈駕發。

騎駕鹵簿前導。各官翼衛如前儀。

御道所經百里內。守土官跪迎於道右。舉哀候過。赴宿次。於網城門外。行三跪九叩禮。屆奠時。文武官員於左右翼班。未行禮。凡在途之日。並同在京之王公大臣。除有緊要差使者。酌量遠近分班。

迎接外其餘王公以下一品大臣及鎮國將軍等恭迎於簡溝二品大臣輔國將軍等至四品官員奉恩將軍等以上恭迎於清河北關散宗室及五品以下官員恭迎於德勝門外均俟

靈駕至。跪迎道旁舉哀。候過隨行。至換班處跪候換班畢退。王公以下四品以上官仍於

靈駕進城時。在城外迎接。○十月初三日。靈駕入城。

穆宗毅皇帝先往德勝門外祇俟。跪迎後。由關道豫往東華門外祇俟。

靈駕至。跪迎於左。舉哀興隨行。王公百官隨
駕先至者。均隨哭迎。從。

梓宮後行者。於

東安門外下馬步從。

梓宮至

景運門外。降大昇輦。登小輦。

穆宗毅皇帝於左旁跪舉哀。衆皆跪哭。校尉恭昇

梓宮入中門由

乾清門中門至

乾清宮正中奉安。設黃幔素帷。供牀香几香案。祀

蓮銀五供等項

穆宗毅皇帝立於

乾清宮檐下東旁

兩宮

皇太后率

內庭宮眷跪迎於

乾清宮設帷幕於

乾清宮內之右設丹旒於

乾清門外之左陳

法駕鹵簿於

乾清門外至

太和門未刻

穆宗毅皇帝行晡奠禮。祭酒三爵。三拜。焚楮錢。王公百官各按齊集位次。舉哀。隨叩畢。

穆宗毅皇帝居倚廬。衆皆退。○每日朝晡日中奠。內外齊集。

穆宗毅皇帝出倚廬。立殿檐東西嚮。舉哀。近支王等立丹陛。東西嚮。近

御王大臣。

乾清門侍衛在

乾清門內五旗王以下八分公以上內大臣內閣
大學士前鋒統領護軍統領上三旗都統副都
統內閣學士上三旗侍衛間散宗室覺羅包衣
官員在

乾清門外五旗都統副都統八旗官員各部院滿
漢大臣官員在京之外任大臣官員凡應齊集
人員在

景運門外排立如命婦不齊集右翼大臣官員在
隆宗門外排立均每日三次俟奠獻時隨班舉哀
行禮。

兩宮

皇太后率

內庭宮眷及在內行走王福晉等在

几筵殿內舉哀行禮五旗王等福晉郡主等在

几筵殿下丹墀右大臣命婦等在

隆宗門外齊集排立。是年奉 福晉郡主命婦先齊集內

監啟門恭理喪儀王大臣及執事官率尚茶尚

膳由中門入

穆宗毅皇帝入殿左門詣

几筵前正中立尚茶跪進茶眾皆跪

穆宗毅皇帝舉茶奠於案行一拜禮衆隨行禮尚茶徹
茶次尚膳進膳揭巾冪

穆宗毅皇帝親上食畢執事官進奠几

穆宗毅皇帝詣奠几前跪奉爵大臣跪進爵

穆宗毅皇帝祭酒三爵每祭行一拜禮衆隨叩興乃徹

饌闔門哀止

穆宗毅皇帝還倚廬

兩宮

皇太后率

內庭宮眷還宮衆皆退午脯奠儀同凡應齊集人

員。王公百官由

東華門

西華門行走。在內行走。王福晉等在

景山柵欄外乘馬進

神武門至

蒼震門下馬進內。五旗王福晉郡主等在

景山柵欄外乘馬進

神武門至

隆宗門下馬進內。大臣等命婦在

景山柵欄外乘馬至

神武門下馬步行至

隆宗門外齊集。其朝晡饌筵。自中果卓。由光祿寺
備辦。每日

几筵前點香。燈看守。交總管太監管理。○初五日行初
祭禮。用楮幡一首。楮錠二十萬五千。楮錢十四
萬五千。色楮五萬張。畫緞一萬端。連飯卓八十
一張。饌食九槽。羊二十七。酒四十一瓶。

法駕鹵簿全設。讀文齊集。設燎所於

景運門外空處。行禮如儀。○次日繹祭。用楮錠二
萬。楮錢一萬。連飯卓十一張。羊五。酒五瓶。由派

出之奠酒。王行禮。禮部、工部、內務府、光祿寺堂官率屬將事。○初六日恭遇

仁宗睿皇帝聖誕

大行皇帝几筵前供素饌。○初八日以

穆宗毅皇帝次日登極遣官告祭

大行皇帝暨

孝德皇后几筵前素服冠緞纓。○十二日行啟奠禮。用

楮錠三萬、楮錢三萬、色楮三萬、張連飯卓二十

張、羊九酒十一瓶、讀文致祭儀與初祭同。○十

三日辰時奉移

梓宮暫安於

觀德殿五鼓鑾儀衛官設

法駕鹵簿上駟院備馬四十四駝包十八副恭理
喪儀王大臣率執事官校入徹黃幔素帷供牀
香几香案把蓮銀五供等項豫送

殯宮工部陳大昇輦及小輦於

景運門外校尉民夫均服其服分班立俟禮部堂
官奏請

穆宗毅皇帝詣

梓宮前哭執事官進奠几

穆宗毅皇帝祭酒三爵每祭行一拜禮興立於左恭理
喪儀王大臣內務府工部鑾儀衛大臣率執事
官及穿駕衣校尉入內進小舉恭奉

梓宮啟行

兩宮

皇太后率

內庭宮眷由

神武門豫往

觀德殿後祇俟

穆宗毅皇帝恭導

梓宮出

乾清門中門至

景運門外登大昇輦

穆宗毅皇帝於東北隅西嚮跪禮部堂官祭舉奠酒三爵每奠行一叩禮衆隨行禮畢焚楮錢初班校尉昇行

法駕鹵簿前導

靈駕啟行時

穆宗毅皇帝興於

靈駕左步行恭送後扈人員隨行近支王等

御前大臣侍衛近前行走人員亦隨行。
靈駕出

東華門換二班時。

穆宗毅皇帝西嚮跪衆皆跪。

靈駕啟行。

穆宗毅皇帝跪候過興乘輿入

東華門出

神武門豫往

殯宮祇俟所有齊集人員。直班內大臣侍衛於

乾清門外按班集俟。王以下至奉恩將軍開散宗

室覺羅等於

東華門外按翼齊集內務府官員在北池口外齊集左翼大臣官員等在北池口內齊集右翼大臣官員等在風神廟大街齊集漢大臣官員等在沙灘齊集皆候

靈駕至舉哀跪迎候過隨行附近

梓宮行走之王公大臣由該衙門奏派恭理喪儀王大臣禮部工部內務府堂官在

梓宮兩旁隨行恭昇

梓宮人等共分六班班各八十人每班外各豫備八人

初班末班俱用校尉。其餘四班用民夫。由五城
選派人役均衣駕衣。分班恭昇。頭目四人。服喪
服。擊響尺。每班公侯伯頭等侍衛以下參領輕
車都尉以上。並給事中。御史。郎中。員外郎等官。
八員管轄鑾儀衛官。四員指示進退。換班行走。
昇引幡人等亦分六班。班各三十二人。每班外
各豫備四人。俱穿駕衣。幫引幡繩。每班部院官
四員。包衣官四員。管轄所過門橋內大臣各祭
酒三爵。光祿寺官奉壺執爵。禮部官進爵。每祭
一叩興。焚楮錢。喇嘛一百八衆豫往。

殯宮大門外西旁恭迎。包衣官員由

東華門揚撒楮錢。

梓宮至

殯宮大門前降大昇輦登小輦。

穆宗毅皇帝豫於門外之左跪迎。哭衆皆跪哭。校尉恭

昇

梓宮入中門至

殯殿

穆宗毅皇帝隨入立於殿檐東。恭理喪儀。王大臣率官

校入奉安。

梓宮於殿之正中。設黃幔素帷。供牀香几。香案。把蓮銀
五供等項。近支王等立於階下。近

御王大臣等於大門內。王公至。奉恩將軍。大學士。至副
都御史。領侍衛內大臣。公侯伯子男。至副都統
閒散宗室。覺羅蒙古王公台吉等。於大門外東
旁。其餘官員等在

景山東門內。排立舉哀。

梓宮奉安畢

穆宗毅皇帝詣奠位。祭酒三爵。每祭行一拜。禮衆皆隨
行禮畢。焚楮錢。闔門哀止。

穆宗毅皇帝還宮

兩宮

皇太后率

內庭宮眷俱還宮。衆皆退。其點香、鐙、太監由總管首領奏派。每日三次照常供獻。大祭以前每日三次陳設。

法駕鹵簿。大祭禮後停止。遇祭日仍陳設。大祭禮後三時供獻。由派出王貝勒等輪班奠酒。百日以內內務府三旗佐領管領下官員護軍領催拜唐阿分作六班。一旗一佐領作一日。一旗一

渾托和作一日輪班。三時供獻時。齊集舉哀。應派直宿大臣侍衛及官兵看守等事宜。各該衙門照例辦理。○十五日。行大祭禮。陳設楮幣羊酒。如初祭儀。照例齊集。五鼓。工部設幕於

殯宮二門外之西。置奠几。陳燎牀於燎所。設祭文案於殿內稍西。鑿儀衛官校陳

法駕鹵簿。內監設

冠服篚於供牀。恭理喪儀。王大臣。內務府大臣等率執事官。陳果筵於

几筵前。列饌筵於丹陛兩旁。陳羊酒於幕內。讀祝官奉

祭文。禮部堂官二員前引。由中門入。設於案。出。王公百官等各辨位集。俟屆時。禮部堂官奏請。穆宗毅皇帝行禮儀。與初祭同。禮成後。還宮。

冠服至月臺。前引大臣十員前引。由中門出。齊集之王公大臣官員等。按翼排立。俱跪。候過。隨行至燎所。俟。

冠服恭安。燎牀畢。讀祝官將祭文安於

冠服前。派出之奠酒王貝勒祭酒三爵。每祭行一叩禮。衆隨行禮。舉哀畢。各退。大祭禮後。除應百日釋服人員外。所有王公百官等。俱於是日釋服。其

每日三次齊集之處。照例停止。遇祭日仍齊集。百日内惟內務府三旗輪班齊集。○次日釋祭。與初祭次日釋祭同。○二十五日行百日禮。用楮錠五萬。楮錢四萬五千。色楮二萬張。連飯卓二十五張。羊九隻。酒十三瓶。

法駕鹵簿全設。讀文齊集。屆時禮部堂官奏請。

穆宗毅皇帝行禮儀。與初祭同。所有應行釋服之王公大臣官員等。均於是日行禮後釋服。○是日巳時。

穆宗毅皇帝請髮。王公大臣官員軍民人等。俱行雉髮。

穆宗毅皇帝易素服冠綴纓緯詣

几筵前時仍服縞素王公百官易藍袍青褂帽綴纓緯

夏季戴緯帽隨

駕詣

几筵前時仍服青袍青褂夏季戴雨纓帽摘纓冬季戴

暖帽摘纓。○十一月二十一日冬至致祭用楮

錠五萬楮錢五萬色楮五萬張連飯卓三十一

張羊九隻酒十五瓶

法駕鹵簿全設讀文齊集屆時禮部堂官奏請

穆宗毅皇帝行禮儀與大祭同惟停止舉哀。○二十五

日奏恭上

尊謚前期告祭適遇

孝惠章皇后忌辰祭時衣祭服禮畢仍更素服○十二月初六日以初七日恭上

尊謚告祭

天

地

太廟後殿

社稷承祭及執事各官均朝服告祭

奉先殿承祭執事各官均補服○初七日早鴻臚寺官

同工部官於

太和門階上正中設黃案二。

冊案在東。

寶案在西。鑾儀衛同工部官設黃亭二座於

太和門階下正中。

冊亭在前。

寶亭在後。禮部堂官二員。豫奉絹

冊絹

寶連匣安設於黃亭內。執事大臣官員等於

太和門階下東邊序立。大學士二員。自內閣恭奉

香

冊香

寶連匣由中階上安設於各案上。自匣內請出行一跪
三叩禮。退立於階下之左。鑾儀衛官豫設拜褥
於門之中。禮部堂官奏請

穆宗毅皇帝御青長袍褂冠。綴纓緯。乘輿出

乾清門由

中左門至

太和門北階降輿。禮部堂官導引由

太和門左門出。詣案前北嚮立。恭閱

冊

寶畢就拜位行三跪九拜禮轉立東次大學士二員詣

冊

寶案前仍安於匣內各行一跪三叩禮興恭奉

冊

寶由中階下安設於黃亭內復行一跪三叩禮興禮部

堂官奏禮成

穆宗毅皇帝乘輿還宮易縞素校尉由

太和門外昇黃亭由中路出導以

御仗二黃蓋一執提鑪侍衛一對派出前引堂官

二員同前引十大臣並引導侍衛十對禮部司
官十員前行執豹尾槍侍衛並奉

冊

寶之大學士暨執事官在黃亭後隨行王以下入八分

公以上於

協和門外按翼排立俟

冊

寶亭至皆跪候過隨行出

東華門未入八分公以下四品官員以上豫集

景山東門外排立俟亭至跪迎黃亭至

觀德殿大門外。

御仗黃蓋引導侍衛及執豹尾槍侍衛等皆止。所
有大臣侍衛官員執事人等均青長袍褂冠。楠
纓鑾儀衛官豫設。

法駕鹵簿於

觀德殿大門外。內務府工部太常寺官設祭品果
品十二色。陳帛爵。點香燭。設

冊

寶案於

梓宮前。

冊左

寶右。設香案於

冊

寶案稍前正中。設祝案於右。再設一案於東旁。豫備獻

舉以前安供香絹

冊

寶。又設一案於東旁稍次。豫備獻帛爵。以前安供帛爵。

讀祝官豫奉祝版奉安於祝案上。屆時。大學士

二員。禮部堂官二員。各詣黃亭前。行一跪三叩

禮。興。大學士恭奉香

冊香

寶。禮部堂官恭奉絹

冊絹

寶。前引十大臣。暨派出前引堂官二員前引。由中門中路行。至月臺下。前引十大臣止。於階下排立。前引堂官二員至殿門外止。於檐下稍南排立。大學士。禮部堂官恭奉香絹

冊

寶入殿中門。並安於東旁案上。各行一跪三叩禮。出立於東西兩旁檐下。司拜褥官豫設拜褥於行禮

之處。欽天監報時。禮部堂官奏請。

穆宗毅皇帝服縞素。乘輿出宮。至

觀德殿大門外。降輿。贊引對引各官恭導。

穆宗毅皇帝從大門東門進。至拜褥前立。鴻臚寺官引王以下。入八分公以上。按翼由東西旁門入。立於階下。引未入八分公以下。及民公侯伯文武四品官以上。在大門外按翼排立。

穆宗毅皇帝行禮時。衆隨行禮。所有恭進

冊

寶上香。奠帛。讀祝。三獻。送燎。均如儀。禮畢。

穆宗毅皇帝由原進門出乘輿還宮衆皆退翼日頒
詔布告天下○二十九日行歲暮禮儀與大祭同

欽定大清會典事例卷四百七十一

禮部

喪禮

文宗顯皇帝大喪儀三

同治元年。三月初七日行清明禮。供楮錢寶花
一座。連飯卓二十五張。羊九。酒十五瓶。

法駕由簿全設。照例齊集。不設

冠服。不讀文。不焚楮錠。屆時。禮部堂官奏請

穆宗毅皇帝詣

几筵前。舉哀。舉茶。上食奠酒。行禮。衆隨叩如儀。○初九

日

諭著添派文祥恭理喪儀。十八日。朝鮮國王遣使臣

恭詣

几筵前進香。陳

法駕鹵簿。工部設幕於

二宮門外之西。置奠几。陳燎牀於燎所。設祭文案
於

殯宮西檐下。讀祝官奉繡譯清字朝鮮國祭文。設於案。
王以下奉恩將軍以上。民公侯伯以下。滿漢文
武四品以上。均齊集。按翼序立。朝鮮國使臣等
穿素服。立於右翼之末。內務府官陳祭品。點該

國所進香燭。鴻臚寺官引朝鮮國使臣等至儀仗之南。北嚮立。鳴贊官贊行三跪九叩禮畢。退立原班。衆咸舉哀。俟進饌畢。讀祝官詣黃案前。奉祭文至楹外。正中嚮上立。內務府官進奠几於階下正中。派出之祭酒大臣至奠几前。嚮上立。鴻臚寺官引朝鮮國使臣等仍於行禮處北嚮立。讀祝官跪。禮部堂官二員跪展祭文。祭酒大臣並齊集之王公官員及朝鮮國使臣等跪。哀暫止。讀祝官讀文畢。復舉哀。祭酒大臣祭酒三爵。每祭行一叩禮。朝鮮國使臣等亦隨行禮。

畢興。鴻臚寺官贊朝鮮國使臣等復行二跪六叩禮。退立原班。俟徹饌畢。讀祝官奉祭文出。送燎。哀止。鴻臚寺官引朝鮮國使臣等出。衆皆出。
○二十三日。

穆宗毅皇帝萬壽聖節。卯刻前親詣

殯宮殿門外。行三跪九拜禮。御青長袍褂。冠綴纓。還宮時更常服。前後三日仍素服。王公大臣侍衛官員隨至。

殯宮門暫更素服。冠綴纓。

几筵前上祭時。執事人等冠仍摘纓。是日照常三次供。

獻停止舉哀。○四月十三日

諭著添派察杭阿恭理喪儀。○五月初五日端陽節。

梓宮前致祭。用楮錠四萬五千。楮錢四萬五千。色楮二萬張。連飯卓十九張。羊九。酒九瓶。陳

法駕鹵簿。齊集行禮如儀。○二十日奏准。本年六月十一日小暑。七月十三日立秋。所有六月十七日。

凡筵前周月禮致祭。應請停止安設。

冠服。其楮錠俟中元致祭時一同焚化。○六月初九日。

恭值

文宗顯皇帝聖誕

法駕鹵簿全設

穆宗毅皇帝於朝奠前御青長袍褂冠去纓緯詣

几筵前上香行三跪九拜禮齊集之王公大臣官員俱

青長袍褂冠摘纓隨同行禮停止舉哀朝晡日

中三奠仍照常供獻○七月初一日孟秋時饗

大廟遣王恭代所有王公大臣官員齋戒期內及祭日

行禮後服色均遵照道光三十年成案辦理○

十二日恭值

孝貞顯皇后萬壽聖節

文宗顯皇帝几筵前遣王恭代行禮。○十五日行中元禮。用楮錠十萬。楮錢七萬。畫緞一萬端。色楮二萬張。連飯卓三十一張。羊九酒九瓶。陳

法駕鹵簿。讀文齊集。屆時禮部堂官奏請

穆宗毅皇帝行禮儀與歲暮同。其十一。滿月禮。暫存楮錠。是日一同焚化。○十七日行初周年禮。用楮錠五萬。楮錢五萬。色楮緞五萬端。連飯卓三十一張。羊九酒十五瓶。讀文致祭儀與初祭同。此後仍每日供獻三次。○又

諭宋晉現在調補倉場侍郎。著改派署工部右侍郎。阜

保恭理喪儀。○又

諭九月初九日。由觀德殿奉移

文宗顯皇帝梓宮。朕追慕

皇考罔極深恩。瞻仰

靈輦。尤深攀戀。屆期步行恭送。至地安門外。藉以稍申

哀悃。○十九日

諭。據恭理喪儀王大臣等合詞奏懇奉移

文宗顯皇帝梓宮。請朕準禮節哀。步送至景山東門外

一摺。朕受

皇考顧復深恩。哀思罔極。即照前旨步送至地安門外。

亦豈足以盡依戀之忱。且朕年在冲齡。雖積哀之餘。尚不至過形勞勩。今王大臣等諄詞籲懇。若依所請。祇送至景山東門外而止。朕心實所難安。惟念從前奉移。

皇祖宣宗成皇帝梓宮時。曾奉

皇考諭旨。步送至南海淀。嗣因王大臣等合詞籲請。仍躬親送至恩佑寺恩慕寺之南。敬溯

舊儀。朕亦不敢過禮。此次奉移

皇考梓宮。朕當步送至景山後。跪俟

靈輦經過。再由開道豫往。

蘆殿祇候過迎。藉以稍申哀慕。王大臣等不必再行瀆請。○二十五日奏准。

文宗顯皇帝暨

孝德顯皇后梓宮奉移

山陵後。應行承辦祭祀。由

東陵辦事大臣奏明。於各

陵酌量派撥官員兵丁夫役。以期足敷應用。俟

定陵工竣。設立官員人役後。再行遣回。○二十六日

諭。議政王軍機大臣會同禮部奏擬請舉行

升祔典禮一摺。本年九月初九日。

皇考文宗顯皇帝

皇妣孝德顯皇后梓宮奉移

山陵距永遠奉安之期。為時尚遠。

皇妣孝德顯皇后神牌。已於咸豐三年照例供奉
奉先殿。

皇考文宗顯皇帝神牌。若俟永安

山陵後始行同時

升祔。歲月稽遲。殊無以妥

先靈而昭誠敬。朕心實有未安。

文宗顯皇帝神牌。即於

奉先殿神庫內擇吉恭製並謹將
孝德顯皇后神牌漆飾改題恭書

廟號一併先行

升祔

奉先殿俟將來

山陵永遠奉安禮成再行

升祔

太廟該衙門其詳查典禮敬謹遵行。二十九日奏九

月初九日奉移

梓宮福音命婦等應否兩處齊集奉

旨。觀德殿。田邨王公百官等照例齊集外。其福晉命婦各項人等。均著毋庸齊集。○又奏。咸豐十一年十一月。曾經王大臣會議奏准。

皇帝謁

陵。暫緩舉行。今本年九月初九日。

文宗顯皇帝暨

孝德顯皇后梓宮奉移

山陵

皇帝現既暫緩謁

陵。且

隆福寺地方係在

東陵口門外所有

祖陵行禮及各

陵致祭並

后土

山神等處應否俟永安

地宮以後敬謹舉行奉

旨。此次恭送

文宗顯皇帝

孝德顯皇后梓宮奉移隆福寺行宮暫安仍照例祇謁

東陵餘依議。○八月初二日
諭據恭理喪儀王大臣等奏

文宗顯皇帝暨

孝德顯皇后梓宮奉移隆福寺行宮暫安。查照道光三
十年成案。開列王大臣等名單。請派輪流守衛一摺。
皇考文宗顯皇帝梓宮暨

皇妣孝德顯皇后梓宮暫安隆福寺行宮。自應簡派王
大臣等敬謹直宿。以昭慎重。所有恭理喪儀王大臣
著派仁壽義道奕諒宮門直宿。著派慶恩溥莊載容
散秩大臣著派德鑑鶴齡樂英松秀載森瑞興稽查

直班兵丁大臣著派奕貴孟保福鈐。並著御前大臣
德木楚克扎布景壽奕山御前侍衛棍楚克林沁安
興阿西拉綱阿乾清門侍衛德徽載崇德長索多爾
扎布福錫載坤俱著分為三班。輪流在隆福寺行宮
守護。著一箇月一換。餘依議。○二十四日奏。准奉移

文宗顯皇帝暨

孝德顯皇后梓宮至

隆福寺暫安處安奉。前經劄行欽天監擇於九月
初七日申時包裹。俟行饗奠時。將釋下罩套焚
化。其紬布賞給漆飾搭綵匠役等因。奏准在案。

惟查

隆福寺地方距

陵寢路途稍遠將來永安

地宮時仍應包裹並需用罩套等物此次至

山陵後釋下之罩套各件應請交與

陵寢工部收存俟奉安

地宮時於致祭日同楮焚化再將紬布發賞○又

諭本年九月初九日朕奉

慈安皇太后

慈禧皇太后恭送

文宗顯皇帝暨

孝德顯皇后梓宮奉移

山陵業經諭令各衙門敬謹豫備。誠以
願復深恩。

昊天罔極。即躬親執紼。哀戀亦曷能已。茲據王大臣等
奏。恭引康熙二年奉移

世祖章皇帝

寶宮前往

孝陵諸王大臣等援引古禮。籲止

聖祖仁皇帝躬親遠送。謹於東安門外奠酒成案。酌經

從權合詞籲懇恪遵

成憲暫停恭送一摺我

兩宮

皇太后重念鉅典撫朕藐躬披覽之餘倍增哀愴朕奉
慈安皇太后

慈禧皇太后召見議政王奕訢軍機大臣文祥寶鋆曹
毓瑛惠親王綿愉惇親王奕訢醇郡王奕譞禮親王
世鐸豫親王義道睿親王仁壽肅親王華豐順承郡
王慶恩御前大臣景壽奕山貝子載容大學士祁寯
藻翁心存協辦大學士倭仁尚書倭什琿布萬青藜

趙光李齒左都御史李崇階侍郎張之萬崇綸靈桂
侍講李鴻藻等欽奉

懿旨諭以典禮攸關衷懷愴惻愾聞俊見夙夜何安凡
在臣工亦宜共諒復經王大臣等殷殷籲懇以朕冲
年踐祚同符

聖祖

實錄所載彝典昭然膺

文宗顯皇帝付託之重允宜勉遵

祖制暫停親送情詞懇切出於至誠我

兩宮

皇太后悲不自勝。勉從諸王大臣等所請。用以仰承先志。俯順羣情。惟敬念

靈輦在道。不獲躬親。夙夜兢兢。負疚滋甚。其如何遣近支親王恭代之處。及一切應行典禮。著各該衙門詳查具奏。○又奉

旨。本年九月初九日。

文宗顯皇帝梓宮奉移

山陵所有沿途朝夕一切致祭行禮。及至

山陵後。應行饗奠禮。均著派惠親王綿愉恭代。○又奉旨。本年九月初九日。

孝德顯皇后梓宮奉移

山陵前期三日應行祖奠禮及沿途朝夕一切致祭行禮及至

山陵後應行饗奠禮均著派惇親王奕諒恭代○二十

七日恭製

文宗顯皇帝神牌並漆飾改題

孝德顯皇后神牌遣官告祭

奉先殿屆時內務府禮部工部堂官朝服上香行三跪九叩禮禮畢敬謹恭製漆飾○又奏准將來

山陵永遠奉安禮成

升祔

太廟時恭請

孝德顯皇后原行題主神牌至

太廟供奉屆期豫於

奉先殿神庫內另製

孝德顯皇后神牌於告祭時供奉

奉先殿。○閏八月初八日奏准九月初九日卯時

文宗顯皇帝暨

孝德顯皇后梓宮奉移

山陵所有沿途每日自

蘆殿啟行時刻擬自初九日起至十二日止每日均於
寅初一刻豫備恭請

文宗顯皇帝暨

孝德顯皇后梓宮於卯初一刻一同啟行。○九月初六
日

孝德顯皇后梓宮奉移
山陵於

靜安莊暫安

穆宗毅皇帝親詣

文宗顯皇帝几筵前行告祭禮舉茶上食讀文祭酒行

禮如儀。祭畢，還宮。讀祝官恭奉祭文，送至燎所。安放於楮堆上，一同焚化。○初七日，行祖奠禮。祭物卓張如周年致祭之數。讀文行禮如儀。祭畢，將清明所供之寶施，隨楮錠一同焚化。○初八日申刻。

穆宗毅皇帝恭奉

兩宮

皇太后詣

文宗顯皇帝几筵前，行辭奠禮。○初九日五鼓，鑿儀衛

陳

冊
法駕由簿恭理喪儀王大臣率工部內務府官將

冊

寶案

寶林香案香几銀五供等項由

觀德殿移出送至

蘆殿黃幔素帷等項豫送

隆福寺暫安處鑿儀衛同工部官豫陳

冊

寶黃亭禮部堂官內務府大臣恭奉

冊

寶安奉黃亭內俟

靈駕啟行時。校尉昇請在

鹵簿後隨行。工部官陳八十人。大輦及三十二人
小輦於

觀德殿大門外。其一百二十八人所昇大輦。以
城門不能容。照例於第一站宿次。豫備恭理喪
儀王大臣。禮部工部內務府鑾儀衛大臣率執
事官及穿駕衣校尉。豫進小輦。屆時禮部堂官
奏請

穆宗毅皇帝詣

梓宮前舉哀。執事官進奠几。

穆宗毅皇帝祭酒三爵。每祭行一拜禮興。立於左恭理
喪儀。王大臣禮部工部內務府鑾儀衛大臣率
執事官校進恭請

梓宮出

觀德殿大門外登大輦。禮部堂官祭輦。奠酒三爵。
焚楮錢喇嘛一百八衆恭送近

御王大臣等於大門內東旁。王以下滿漢三品大臣以
上及閒散宗室覺羅並三旗包衣琿托和等於
大門外東旁齊集。奉移祭酒時。衆皆隨行禮。

穆宗毅皇帝步送至景山後跪候

靈輿經過奉

兩宮

皇太后豫詣東直門外大橋迤東稍俟。四品以下有頂戴官員以上及年老不能步行之大臣官員俱在城外關廂內齊集俟。

梓宮出跪舉哀是時

孝德顯皇后梓宮亦由靜安莊奉移至東直門外均跪送如儀。往送之王公大臣官員等隨行至關廂外換二班時騎馬其不往送者亦至換二班處

各散

梓宮外罩。加以黃色絨絡。所備懣套黃油單絨繩等項。在前相近處行走。以備需用。太監等每班派出十名。侍衛每班派出二十員。俱分班更換。在

梓宮兩邊步隨。其近前行走之王大臣侍衛內監等在梓宮兩旁騎馬隨行。恭理喪儀王大臣禮部工部內務府鑾儀衛大臣於

梓宮兩旁騎馬巡查。每換班時。下馬照着隨行之王大臣侍衛官員內監等俱下馬跪候換班畢。仍上馬隨行。此後執豹尾槍侍衛行走。次帶領眾人

之侍衛行走。又次王大臣官員依序行走。所過門橋內大臣二員輪班祭酒三爵。每祭一叩興。焚楮錢。包衣官員沿途揚撒楮錢。至

蘆殿相近。末班王大臣官員豫從他路先往黃布城北門外排立。

梓宮至。跪迎。舉哀。候過。從黃布城兩旁牆外至大門前。按翼排立。鑾儀衛將

法駕。鹵簿。排設於大門前。

梓宮安奉畢。禮部內務府各堂官恭奉

寶於

梓宮兩旁案上供果卓。行夕奠禮。恭代之承祭玉。祭酒三爵。每祭行一叩禮。衆皆隨行禮舉哀。沿途百里內地。方文武官員。於道右跪迎。舉哀候過。至宿處。在黃布城外。行三跪九叩禮。供獻時。文職在正藍旗之末。武職在鑲藍旗之末。行禮舉哀。徹卓張暨。

法駕鹵簿。○次日早。工部官帶領執事人等。將大輦兩旁。敬謹加夫一百二十八人。肩轎鑿儀衛設。

騎駕鹵簿。衆皆齋集。屆時承祭王詣

梓宮前行朝奠禮。祭酒三爵。每祭行一叩禮。焚楮錢。衆

皆隨行禮。禮部內務府堂官恭奉

冊

寶安奉亭內奉移

梓宮出時。王公大臣官員等排跪舉哀。候過隨行。至換

班處乘馬。仍在原處行走。凡每程齊集行所有

法駕鹵簿。豫送至

隆福寺暫安處。俟至日自

隆福寺附近地方迎設

騎駕鹵簿到時。各下馬同行。至

隆福寺暫安處排設。昇請

梓宮夫役。分為六十班。自

觀德殿奉移至

山陵頭班末班。俱用校尉。餘班俱選精壯民夫。每班多
備四名。共計夫役七千九百二十名。由大興通
州。三河。遵化。附近等州縣選用。再派校尉四十
名。均穿駕衣。每班派令四名。在兩旁步行。遇夫
役內有力不勝者。即行更換。其餘三十六名。令
騎馬在

鹵簿前兩旁行走。更替。每班管轄夫役。以少卿科道以下。主事以上。八旗公侯伯以下。參領雲騎尉以上。前鋒參領護軍參領。八旗參領副參領。上三旗頭等侍衛。下五旗王府長史內。移取能事者。每班四員照管。仍派鑾儀衛官二員。指示更換進退。搭綵頭目八人。分為二班。擊響尺行走。每宿。

梓宮前點香鐙及

蘆殿前門。各派太監十名。殿內太監俟香鐙盡時。將香鑪內炭火止熄出。與前門太監十名。輪班坐更。

守護後門亦派太監二十名看守。圍牆內外。豫備激桶八座。由八旗步軍營取用。每旗派章京一員。領催兵丁各十名。每日清晨。令各旗擡至宿處。交地方官於

蘆殿周圍安設。令水缸滿盛清水。

靈駕至日。

東陵辦事大臣暨派撥官員人等俱在

隆福寺附近地方跪迎舉哀候過隨行。

梓宮至

隆福寺暫安處大門外。換三十二人小轎。由中門

入安奉

梓宮於殿之正中。設黃幔素帷五供香几等項。禮部內務府堂官恭奉

冊

寶於

梓宮兩旁案上。前供果卓。承祭王祭酒三爵。每祭行一叩禮。衆隨行禮。焚楮錢。禮畢各退。恭代之承祭王及前往執事並恭送之王公官員等。均照成案。於途次穿青長袍褂。冠摘纓。太監等分為二班。點香鐙守衛。送往之王公大臣官員及

東陵各衙門派撥官員並太監人等均齊集。此後每月朔望仍三奠。每日供獻一次。沿途暨至。

陵日所供茶膳由茶膳正豫備。器皿由茶膳頭目帶往。沿途所用羊隻由慶豐司備辦。至。

陵後所用羊隻等項由。

陵寢禮部豫備。沿途供獻卓張。至。

陵日及饗奠禮致祭。應用器皿隨卓等項。由光祿寺備辦。運送器皿等物。所用車輛。於兵部移取。馱載茶桶茶壺馬匹。及人役所騎之馬。由。

上駟院取用。蒙古帳房。由武備院豫備。所撒楮錢。

焚化楮錠。造辦供獻果卓之席棚一應器皿等項。並修理道路。

蘆殿內鋪設氈毯等事。俱由工部等衙門辦理。其送往之王貝勒貝子公滿漢文武大臣官員近前隨行之王公官員等。俱由各該衙門自行奏派。各衙門司官。由各該堂官派往。所用黃布城網城白城等項。由該衙門豫備。交與派出之護軍統領嚮導官參領等豫備支搭。遣官告祭及告祭所用祭品。俱由太常寺內務府辦理。祝文均由翰林院撰擬。每日供獻時直班之王大臣及

東陵派撥官員人等俱齊集。其沿途及行饗奠禮時齊
集行禮之處均由鴻臚寺派員排班。○十二日。
奉安

文宗顯皇帝

孝德顯皇后梓宮於

隆福寺

暫安寢殿遣官告祭各

陵。○十三日遣官恭詣

暫安寢殿几筵前行饗奠禮。用楮錠三萬。楮錢三萬。色

楮三萬。張連飯卓二十五張。羊九。酒十五瓶。

法駕鹵簿全設陳

冠服篚於供牀。設祭文案於殿內稍西。讀祝官奉祭文。太常寺官二員導引。由中門入。設於案。出供果卓於殿之正中。供羣卓於月臺兩旁。反坫涼棚設於二門內東旁。楮張設於燎池。齊集之王公大臣官員等。各辨位集俟。屆時承祭王由殿右門入。詣

梓宮前西旁立舉哀。衆隨舉哀。茶膳豫供。執事官進奠。几承祭王詣几前跪。衆隨跪。讀祝官奉祭文於承祭王之西跪。導引之太常寺官二員跪展祭

文哀止。讀祝官讀文畢。復於案。舉哀如初。承祭王奠酒三爵。每奠行一叩禮。衆隨行禮。哀止。乃徹饌。承祭王退立於右。讀祝官奉祭文。太常寺官導引。內監恭請。

冠服篚由中門出。承祭王豫出殿右門。

冠服至跪候過興隨行。

冠服至月臺。直班之大臣侍衛等前引。齊集之王公大臣官員排立跪候過興隨行。於燎所兩旁稍遠排立候。

冠服祭文恭安畢。承祭王詣奠酒處跪。衆皆跪。承祭王

祭酒三爵。每祭行一叩禮。衆皆隨行禮畢。各退。騎駕鹵簿等項。同楮張焚化。其法駕鹵簿。交與

陵寢大臣收存。遇祭日陳設燎所交

陵寢大臣於行饗奠禮之前。在

隆福寺大門外。慎擇寬闊地方。豫為修砌。此次恭代之承祭王。及前往執事。並恭送

梓宮之王公官員等。禮成後。至京之日。均遵

旨穿尋常袍青褂冠。綴纓。○十七日。

暫安寢殿。周月致祭。直班王大臣暨

東陵派撥官員等。敬謹將事。行禮如儀。○十月初一日

孟冬。在

陵直班之王大臣二人。服青長袍褂。冠摘纓。分詣

文宗顯皇帝暨

孝德顯皇后梓宮前致祭。各奠酒三爵。每祭行一叩禮。

停止舉哀。祭品查照各

陵孟冬致祭品物備辦。○又奏准

文宗顯皇帝

孝德顯皇后升祔

奉先殿神牌。擇於本年十月初四日卯時書寫埽青。應

派滿漢大學士各一員先詣

文宗顯皇帝神牌前朝服上香行三跪九叩禮敬視書
寫埽青畢復行三跪九叩禮退再詣

孝德顯皇后神牌前上香行三跪九叩禮敬視書寫埽
青畢復行三跪九叩禮仍於恭製

文宗顯皇帝神牌暨漆飾

孝德顯皇后神牌各處暫行安供即由該處官員太監
每日點香鐙守視所有香燭黃案石青等項由
各該衙門豫備恭書

神牌由內閣派善寫清字中書翰林院派善寫漢字翰

林官敬謹書寫。○初六日。

文宗顯皇帝暨

孝德顯皇后神牌升祔

奉先殿

詳見內務府
升祔事例。

○初十日。

慈禧皇太后萬壽聖節。令在

陵直班之王大臣二人。素服冠緞纓。分詣

暫安寢殿正中及。

正殿東次間殿門外告祭。行三跪九叩禮。○十一

月初二日冬至。讀文致祭。由

陵寢大臣派員將事。供牲帛三獻。承祭執事各官均服

青長袍褂。不綴纓緯。停止舉哀。行禮如儀。○十
二月二十九日。行歲暮禮。用楮錠五萬。楮錢五
萬。色楮五萬。張連飯卓三十一張。羊九。酒十五
瓶。讀文致祭。

法駕鹵簿全設。照例齊集。承祭及執事各官。均青
長袍褂。冠摘纓。屆時。承祭王入。在殿門外西旁
立舉哀。衆隨舉哀。茶膳豫供。執事官進奠。几承
祭王詣几前跪。衆隨跪。讀祝官奉祭文於承祭
王之西跪。導引之。

陵寢禮部官二員跪展祭文。哀暫止。讀祝官讀文畢。陳

於案復舉哀

陵寢內務府官執壺遞酒杯承祭王祭酒三爵每祭行
一叩禮興衆隨叩興徹奠承祭王退立於右讀
祝官奉祭文

陵寢禮部官二員導引送至燎所俟畫級
冠服篚出承祭王跪候過興隨行

冠服至月臺在

陵直班之侍衛等前引在

陵直班之王大臣侍衛暨

陵寢大臣派撥官員人等均依次跪候過興

冠服至燎所。安於燎牀上。祭文安於

冠服之前。承祭王祭酒三爵。

陵寢內務府官執壺。

陵寢禮部官遞酒杯。每祭行一叩禮。衆隨行禮。跪哭。哀

止興。各退。